

WILLIAMS, Syr CHARLES HANBURY (1708 - 1759), ysgrifennwr dychangerddi a llysgennad

Enw: Charles Hanbury Williams

Dyddiad geni: 1708

Dyddiad marw: 1759

Priod: Frances Williams (née Coningsby)

Rhiant: Bridget Hanbury (née Ayscough)

Rhiant: John Hanbury

Rhyw: Gwryw

Galwedigaeth: ysgrifennwr dychangerddi a llysgennad

Maes gweithgaredd: Barddoniaeth; Gwleidyddiaeth a Mudiadau Gwleidyddol

Awdur: David Williams

Ganwyd 8 Rhagfyr 1708, pedwerydd mab y milwriad [Major John Hanbury](#), Pont-y-p I. Cafodd ei addysg yng Ngholeg Eton. Yr oedd yn fab-bedydd i [Charles Williams](#), Caerlleon-ar-Wysg; etifeddodd ganddo ef stad Coldbrook a thiroedd eraill, a swm mawr o arian; a mabwysiadodd y cyfenw ychwanegol Williams. Priododd 1 Gorffennaf 1732 â Frances, merch iarll Coningsbury. Ysgrifennodd Charles Hanbury Williams lawer o farddoniaeth yn llawn o watwareg; dywedai Horace Walpole ei fod ef yn credu mai Hanbury Williams oedd bardd mwyaf y genhedlaeth honno. Yn 1746 dechreuodd ar y gyfres o deithiau llysgenhadol y cofir ef yn bennaf o'u plegid. Dechreuodd ei feddwl ddrysu yn 1759 a bu farw 2 Tachwedd y flwyddyn honno, o bosibl trwy ei weithred ef ei hun; claddwyd ef yn abaty Westminster. Ar hynny aeth stad Coldbrook i'w frawd George Hanbury a fabwysiadodd, yntau hefyd, y cyfenw Williams.

Awdur

Yr Athro Emeritus David Williams, (1900 - 1978)

Ffynonellau

Oxford Dictionary of National Biography am ei weithiau dychanol a'i deithiau fel llysgennad

G. S. H. Fox-Strangways (Iarll Ilchester) a Mrs. Langford Brooke, *The Life of Sir Charles Hanbury Williams, poet, wit and diplomatist* (1928), 1928

D. B. Horn, *Sir Charles Hanbury Williams and European Diplomacy, 1747-58* (Llundain 1930), 1930

y mae bron y cwbl o bapurau swyddogol Williams fel gweinidog Prydeinig, ynghyd â'r dyddiadur preifat a gadwai pan oedd yn Berlin, a phapurau eraill, yn llyfrgell rydd Casnewydd-ar-Wysg, sir Fynwy

Dolenni Ychwanegol

VIAF: [27937060](#)

Wikidata: [Q332981](#)

Dyddiad cyhoeddi: 1953

Hawlfraint Erthygl: <http://rightsstatements.org/page/InC-RUU/1.0/> 

Mae'r Bywgraffiadur Cymreig yn cael ei ddarparu gan Lyfrgell Genedlaethol Cymru a Chanolfan Uwchefrydiau Cymreig a Cheltaidd Prifysgol Cymru. Mae ar gael am ddim ac nid yw'n derbyn cymorth grant. Byddai cyfraniad ariannol yn ein helpu i gynnal a gwella'r wefan er mwyn i ni fedru parhau i gydnabod Cymry sydd wedi gwneud cyfraniad nodedig i fywyd yng Nghymru a thu hwnt.

Ewch i'n [tudalen codi arian](#) am ragor o wybodaeth.

